

三通考輯要

第三函
第十冊

皇朝文獻通考輯要卷十二

山陰湯壽潛鑿先恭輯

郊社考

○○○郊臣等謹按禮莫大於郊義莫重於配天三代之制冬至則祀圜丘以大報天孟春上辛爲民祈穀歲凡郊祀者再仲夏而雩夏至則祀方澤禮至備義至精也漢承秦制採緯書方士之說其禮叢雜不經又率領於祠官親祀者寡若南郊北郊分祀合祀自漢及唐紛紜莫定宋世三年一郊於義爲疏蓋其禮文太繁儀衛太盛費太厚而肆赦尤濫非大禮必簡之義也明初合祀禮行而冬至反闕嘉靖定禮頗酌古今之中然祭多遺攝誠敬微矣恭惟聖朝定制典文盛於三代損益適於千古若乃齋必致嚴無故不攝尤前代所不能及者謹次第纂祀以昭鉅典焉

崇德元年四月乙酉

太宗文皇帝肇祀

天於

圜丘先是天命元年貝勒以下諸臣奉上

太祖高皇帝尊號立國建元行焚香告

天禮而

郊壇之制未備

太宗光宅盛

京建

圜丘於德盛門外其制九成週圍一百十丈南門三東西北門各一是歲天聰十年王貝勒以下

諸文武大臣以

太宗功德隆盛奉上

尊號先期

太宗率王貝勒以下文武羣臣齋戒三

日以

親祀

南郊建國號曰大清改元崇德是爲

本朝祀

天於郊之始舊例以生牢祭

告即以祭肉分給衆官

太宗諭曰古帝王當未知火食之前卽行祭天之禮是以用生牢致享後世特

踵而行之未有易耳況以恭祀

上天之胙分給衆官令各於其家事之是反污褻也可熟而薦之於是

定制祭於天用太牢熟薦

十一月乙丑冬至大祀

天於

圖丘

親詣行禮是時將征朝鮮齋戒三日以太牢致祀并

告出征是爲冬至大祀

圖丘之始

順治元年十月乙卯朔

世祖章皇帝定鼎燕京

親祀

南郊告祭

天

地卽

皇帝位先是七月癸巳以將遷都遣官告祭

上帝九月

駕入京師十月朔

躬祀天

地行受寶之禮是日黎明

大駕出宮親王以下文武百官皆從鹵簿前導不奏樂出太清門詣

圖丘禮官恭導贊引如儀乃迎

神三上香畢

皇帝行四跪四叩禮羣臣隨行禮乃奠玉帛獻

爵讀祝文辭曰大清國皇帝

臣廟諱

敢昭告於

皇天

后土

帝鑒無私眷隆有德我

皇祖寵膺

天命肇造東土建立丕基及我

皇考開國承家恢弘大業

臣以眇躬繼承鴻緒值

明祚將終姦雄蠱起以致生靈塗炭僞望來蘇

臣欽奉

祖宗功德倚任親賢爰整六師救民水火掃除

暴虐撫輯黎元內外同心大勳克集因茲定鼎燕京以綏中國臣工衆庶僉云

神助不可違輿情不可

負宜登大位表正萬邦

臣祇荷

天眷以順民情於本年十月初一日告

天卽位仍用大清國號

順治紀元率由初制伏惟

天

地佑助早靖禍亂載戢干戈九州悉平登進仁壽俾我大清皇國

承固爲此祈禱伏惟

欽鑒謹告讀畢

皇帝率羣臣行一叩禮亞獻終獻徹饌送

神皆如

儀

皇帝復率羣臣行四跪四叩禮乃望燎灌奠如儀九奏樂章改和爲平

詳見禮成樂考

皇帝入御

帳南向陞座諸王羣臣以班序大學士奉寶奏曰

皇帝已登大寶文武羣臣不勝懼忭學士奉寶置案

上鳴贊贊羣臣行三跪九叩禮禮畢

皇帝回鑾作樂還宮復

御皇極門

今爲太和門

諸王大臣上表

稱賀行禮同日遣官告祭

太廟

社稷是年定制每歲冬至大祀

天於南郊

圖丘以

大明

夜明

星辰

雲雨風雷爲四從壇配享

十一月丁未冬至大祀

天於

圖丘

親詣行禮冬至前三日以將行

親郊祭告

太廟是日禮部太常寺官設齋戒銅人於

武英殿正中越二日奉三亭於

武英殿貯祝版祭帛香燭

金爐祝版上書

御名送

圖丘正祭日禮部尙書奉

昊天上帝神位於龍亭內奉安

郊壇第一成正位奉安

從祀四神位於第二成

皇帝親詣行禮禮成遣

太廟

四年三月定大祀

南郊用牂牛之禮禮部奏言

國初定制祀

南北郊及

社稷壇向例

俱用生牢今應如舊惟

南郊以牂牛一進

上得

旨照舊例如朕親祀則照例進牂牛遣

官則止

五年十一月戊辰冬至大祀

天於

圖丘奉

太祖高皇帝配享前期四日遣官四員告祭

皇明文獻通考

卷十二

郊社考

二

通雅堂藏板

天

地

宗廟

社稷正祭日

皇帝詣

壇行禮奉安

太祖高皇帝

神位於

上帝神位之左旁青幄內一應禮儀俱與

上帝位前同

八年三月定祭祀齋戒例凡大祀齋戒三日中祀齋戒二日凡陪祀致齋各官不理刑名不宴會不聽音樂不入內寢不問疾弔喪不飲酒茹葷不祭神不掃墓有疾有服者皆弗與其有故違不到者察治之若小祀則不進齋戒牌各衙門不致齋

六月定大祀祇牲省牲之制凡大祀有祇牲省牲之禮是年定制祀

圖丘

方澤先期三日遣公

侯伯一人祇牲前二日遣禮部堂官省牲至十四年二月

諭禮部

南郊祀

天理宜嚴重

祀前一日朕親宿齋宮祀前五日朕親詣祇牲如遣官恭代亦著詣壇齋祇牲永著爲令

十三年七月定祭祀出宮時刻禮部奉

諭致祭

天

地不可不虔嗣後凡祭

圖丘

方澤朕於五鼓出宮爾部先期一日奏聞永著爲例

十四年正月辛亥祈穀於

上帝奉

太祖高皇帝配享初制每年正月上辛日祭

上帝於

大享殿祈穀至是

親詣行禮一應儀節俱與冬至大祀同

凡祀

圖丘以冬至日子時

後定用
黎明時

祈穀以孟春上辛均爲大祀

皇帝親詣行禮先於太和殿闕

視祝版玉帛香祝版用青質朱書

上帝正位用蒼璧一青色制帛十有二沈圓炷香一餅香十有二降

真圓餅香二十有四樂用九奏黃鐘爲宮舞用八佾舞武功文德之舞牲用犢色尙騂或黝必在滌九旬中祀六旬

羣祀三旬竊用匏籩用竹絲純裏縣以漆豆登簋簠犧尊皆用陶列聖配位前牲器皆同無玉用奉先制帛

各一連圓炷香各一連方辦香各五十皇帝禮服用青贊引以禮部堂官太常卿奉福胙以光祿卿接福

胙以侍衛從壇大明帛用赤夜明用白牲用特牛星辰制帛十有一青黃赤黑各一白色七牲用太牢雲

雨風雷制帛四青黃白黑各一牲同器各有數祈穀不設從壇神位

三月己酉大祀天於南郊奉太宗文皇帝配享圖丘祈穀壇禮部奉

諭旨禮莫重於事天孝莫重於尊親朕繼承鴻緒恪修典禮每歲郊祀皆奉

太祖高皇帝配享今恩太祖受命上天肇興帝業太宗繼志述事丕振皇猷功德並

隆咸宜崇祀以後冬至祈穀祭天俱奉太宗同太祖配享夏至祭地亦

奉太祖太宗配享著爲定制

十七年二月定祈穀壇祀典用燔柴禮向例祈穀行禮與冬至同惟不設四從壇神位不燔柴至

是諭禮部帝王奉天子民禮隆禋祀享帝大典所關尤重必儀物克備乃足昭對越之

誠向來郊祀惟冬至用燔柴禮祈穀壇未經舉行雖祀典原有等差而同爲祀上帝典

禮不宜有異嗣後祈穀壇亦行燔柴禮祈穀燔柴自是年始

皇明文獻通考卷一百一十一郊社考
三
通雅堂藏板

四月己酉合祀

天

地

百神於

大享殿先是二月

諭禮部曰帝皇父

天母

地禮祀大典務求至當朕稽考舊章洪武初原係孟春合祭南郊至嘉靖年間始定分祭冬至祀

圖丘夏至祭

方澤春分朝

日秋分夕

月而合祭之禮遂止朕思合祭之禮原以畢萃

神祇普薦馨香不宜竟廢今欲祇申昭事之誠每年孟春合祭

天

地

日

月及諸神於

大享殿但禮關重大爾部詳議以聞部臣議奏合祀事宜請照前明會典開載舉行尋奉

諭旨

合祭典禮已定於孟春舉行今雖時序已過大典肇修理應本年卽舉爾部擇期速議又

諭孟春祈穀

向例於

大享殿今

大享殿合祭以後祈穀禮於

圖丘舉行部臣議奏

大享殿內

神座應增設

皇地祇神座其

從壇照舊用頂架在丹墀內東西相向其東西二十壇原在內壇外

設亦宜在丹墀內照東西向少後至於

神牌臨期迎請未便因令工部恭製安奉前期一日應於各

壇

廟行祭告禮又議以

啟運山附於

中嶽壇

天柱

隆業二山附於

北嶽壇設祭皆從之尋定從祀爲十二壇

原九十一

順治十八年十一月丙子冬至

聖祖仁皇帝大祀

天於

圖丘

親詣行禮是年正

月己未

聖祖仁皇帝登極以卽位遣官告祭

昊天上帝尋以諸臣詳議祀典各祀如舊其禁中

上帝壇及

大享殿合祀

太廟階下合祭皆請停罷從之是月首舉冬至之典

親

祭如儀

康熙六年十一月丁未冬至大祀

天於

圖丘

世祖章皇帝配享御史周季琬疏言

世祖章皇帝以創業垂統之君文德武功光昭萬世應同

太祖高皇帝

太宗文皇帝配享

郊壇乃合嚴父配天之義下禮臣議卜日行禮尋允所奏於丁未冬至大祀之日舉行其配享

方

澤卽於丙辰日舉行正祭日

聖祖仁皇帝親詣行禮恭奉

神位奉安於

上帝神位之左

太祖高皇帝之次第二青幄內前期祭告一應禮儀俱與順治十四年同

九年正月辛丑祈穀於

上帝奉

世祖章皇帝配享

十二年八月禮部奉

諭旨議奏歷代祭祀壇廟時辰俱未畫一詳定請照

太宗文皇帝時

壇

廟用黎明

夕月壇用酉時又言歷代致齋俱於別殿今凡遇祭祀

皇上應於別殿齋

戒從之

二十九年正月辛丑祈穀

上帝

親詣行禮

御製祝文並

祈穀壇額

有序

嘗觀古之

明王必嚴於敬天隆於尊祖誠於養人惟其敬天故饗帝尊祖故崇祀養人故重農而上辛祈穀厥義備焉蓋陰陽順風雨調災沴不生五穀咸熟斯比戶可封然後寬刑簡賦導以禮樂躋之仁壽苟陰陽失序風雨不時則五穀傷矣五穀傷而民饑至矣修粢盛而奏馨聞將何藉焉予肅將禮祀每遇薦享大典備極誠敬期於孚

格蒼穹爲羣黎福幸海內穡事浹歲順成卽間遇微祲而補助旋施有秋落至豈非

上天粒我烝民

而默佑予一人以無疆之休哉仰戴

帝德莫可名喻聊摠感忱作爲頌曰皇矣

上帝仁覆萬國

靡物弗懷鑒於有德古聖聿修昭事建極元日殷薦爰祈粒食藐躬受命精意以禋泰圻體方郊丘象圖屋而

大享典禮均虔外至必主本祖本天巍巍

三聖陟降攸格靈志對越百神其懌曰潔饗豆曰崇珪璧匪

祝一身爲民請澤惟

天監觀愛我兆人宜夏而夏宜春而春和風應節甘雨司辰災螟罔作瑞穗含醴

豈止郊畿式暨五服哻哻疆理何土不淑薿薿黍稷何產不熟造化靳施伊誰能育啟蟄而耕納稼而場于耜于趾我倉我箱詎曰農夫實予之慶上下交裕藉此豐穰民則不知予敢忘賜湛恩汪濊頌思奚匱歲歲吉蠲竭誠肆類庶其眷之永錫樂利

四十四年正月辛丑祈穀於

上帝

親詣行禮

御製唯

天爲大頌

四十六年十一月丁丑冬至大祀

天於

國丘羣臣請遣官恭代弗許

諭內大臣大學士

九卿等

郊祀大典諸臣以天時嚴寒請朕勿親詣行禮朕身體強健步履安和毫不知倦若果稍有患

苦卽遣皇太子或大臣代行典禮何不可之有今身旣無恙可欺妄乎況年齒漸增正欲乘未老之時躬親行

禮耳

四十八年正月辛巳祈穀於

上帝遣官行禮

御製祝文曰臣仰承

睿命撫育萬方念切

民生亟圖康乂兩年以來浙江地方遭罹水旱民生失業去歲山東河南亦因被旱田禾歉收又去冬至今乾
暵無雪臣雖抱病心切靡甯邇自順治二年以迄今日垂七十載承平日久生齒既繁野無曠土縱當大獲之
歲猶慮民食不充倘或一遇旱潦則臣雖竭力殫思蠲租散賑而窮鄉僻壤豈能保無轉於溝壑之人在臣憂
國憂民之念卽始終不渝而雨澤應期實惟

詣齋次祇修祀事但今幸荷

天佑疾漸痊愈而肅將大禮尙未克勝身雖未能致齋而爲萬民懇切祈

禱之誠敢用摠布仰籲

洪庥特命臣僚潔蠲敬戒虔備玉帛牲醴粢盛庶品恭祀

上帝伏冀昭

鑒俾雨暘時若百穀用成三農弘濟尙鑒

五十年十一月戊辰冬至大祀

天於

圓丘

親詣行禮初臣僚以

聖躬違和請遣

官恭代報可尋奉

諭旨朕躬安好如常必親祭方展誠心朕今年已六十行禮時兩旁人少爲扶掖亦

可正祭日遂

親詣行禮

五十四年正月祈穀於

上帝用立春後辛酉日祈穀例用上辛是年正月十日上辛尙未立春

諭諸臣詳議之乃以正月三十日下辛行禮

五十八年十一月庚辰冬至大祀

天於

圓丘

命親王恭代仍

親往瞻拜行禮先

是冬至將屆

諭大學士等敬

天尊

祖所關重大年來因多病足痛不能親往遣大臣恭

代今冬至齋戒之時朕足雖不得力潔誠之念有餘擬於祭祀之前升壇瞻仰省視俎豆量力跪拜退處幄次俟恭代親王行禮畢然後回宮此係創行之禮如漢大臣以從無此典引據書史爲言朕年已老在位六十年矣豈易得此例乎

雍正元年十一月辛丑冬至大祀

天於

闕丘奉

聖祖仁皇帝配享先是九月辛巳

諭禮部自古祖功宗德制在不祧饗帝饗親理應並舉報本之情罔極配

天之典宜隆我

皇

考聖祖仁皇帝允宜崇祀

郊壇克配

上帝以後冬至祈穀祭

天祇奉

聖祖仁皇

帝同

太祖高皇帝

太宗文皇帝

世祖章皇帝配享夏至祭

地亦如

南郊

祈穀禮祇奉配享其詳議以聞至是冬至大祀

世宗憲皇帝親詣行禮恭奉

神位素饗於

上帝神位之右

太宗文皇帝之次第二青幄內前期祭告一應禮儀俱與康熙六年同

七年正月

詔嚴

壇廟演禮之禁是歲既行祈穀禮越日奉

諭旨

壇廟之中最宜

嚴肅聞祭祀之先卽在其中演禮非潔齋虔享之義其議之部臣議奏會典開載凡祭祀執事等官當在凝禱殿演禮嗣後宜仍遵行如有特加祭典先期於神樂觀演習從之

八年正月祈穀於

上帝以初二日上辛行禮停止朝賀筵宴上辛在初二日例用次辛前十二月奉

諭旨定例正月上辛日祈穀於

上帝若上辛在初五日以前則於次辛行禮雍正三年五年俱以

次辛祈穀仍舊章也但思元旦朝賀者朕躬之禮儀上辛祈穀耆祀

天之大典也明年正月初二日上

辛禮部請於十二月中辛行祈穀禮朕思以正月而論則十二日爲中辛若以立春後而論則爲下辛矣因朝賀筵宴而展祈穀之期朕心深有未安著於初二日上辛行禮先期照例敬謹齋戒停止朝賀筵宴嗣後若逢元旦上辛則於次辛祈穀如在初五日以前或值初七日

世祖章皇帝忌辰著兩奏請有正月初二日

辛未 親詣行禮

十三年正月祈穀於

上帝以次辛行禮是歲正月初十日上辛尙未立春前十二月奉

諭旨前

太常寺奏請於雍正十三年正月初十日恭祭

祈穀壇今順天府尹奏於雍正十三年正月十二日進

春朕思祈穀乃新春典禮似不應在立春以前其定議以聞部臣請以次辛二十日行禮謹按禮以義起義之所在卽大中至正之禮也然惟能執中行權乃克各當其義我

世宗憲皇帝於雍正八年正月初二

日上辛祈穀部臣請改期不允是年以尙未立春

特諭改用次辛蓋一則敬

天之誠一則重時

之義云

原九十二

乾隆元年正月辛丑祈穀於

上帝

皇上親詣行禮先是雍正十三年九月

皇上紹登大寶仁

孝方篤逾三月後羣臣以典上請奉

諭旨

郊

廟大祀朕自不敢因一己孺慕之私情有缺

天

祖禘嘗之鉅典所議朕詣行禮甚是但先期齋戒所以潔齊心志對越

神明朕意齋

戒之日卽當素服冠綴纓緯其視祝版亦當照例用禮服以昭敬謹

朝日

夕月等祀雖係遣官行禮

然誠敬之心默爲昭格陟降左右不啻親承朕意於遣祭之日亦應素服冠綴纓緯方與禮意相合爾等再議

其奏禮部等遵

旨議上允之於乾隆元年孟春祈穀行禮如儀

二年四月甲戌大祀

天於

圖丘奉

世宗憲皇帝配享行恭奉

神牌參拜

上帝之禮前期祭告一應禮儀均與雍正元年同

十二年十一月定

郊壇大祀誓戒百官之禮是歲冬至大祀後六日奉

諭旨古天地大祀前期有

百官受誓戒之禮周官冢宰祀五帝則掌百官之誓戒唐宋則掌以太尉或於尙書省或於朝堂明初誓於中書省後於闕門宣制嘉靖中則親御奉天殿百官朝服聽誓戒所以聳衆聽而致肅共儆怠玩典至重也國初祀典太常寺先期行文出示蓋本古人誓戒遺意而集衆宣示儀章未舉朕思八政祀居其首而大祀莫重於郊嗣後有事於

圖丘

方澤

祈穀

零祭應於午門前宣誓戒陪祀之王公文武大

臣官員朝服齊集跪聽行禮以明齊明嚴敬之義大學士會同該部稽古具儀以聞尋具儀奏上舉行如儀

十三年十一月壬子冬至大祀

天於

圖丘用新成祭器更定大駕國簿乘玉輅

親詣行禮

是歲正月奉

諭旨國家敬

天尊

祖禮備樂和品物具陳告豐告潔所以將誠敬昭典則也

考之前古籩豆簠簋諸祭器或用金玉以示貴重或用陶匏以崇質素各有精意存乎其間歷代相承去古寢

適至明洪武時更定舊章祭品祭器悉遵古而祭器則惟存其名以襲代之我朝

壇

廟陳設祭

品亦用蓋蓋沿前明之舊

皇考世宗憲皇帝時考按經典範銅爲器頒之

闕里俾爲世守曾宣示

廷臣穆然見古先遭則朕思

壇

廟祭器既遵用古名則祭器自應悉倣古制一體更正以備隆

儀著大學士會同該部稽核經圖審其名物度數制作款式折衷至當詳議繪圖以聞朕將親爲審定敕所司
敬謹製造用光禋祀稱朕意焉

十四年五月

詔齋宮致齋勿鳴鼓角內閣奉

諭旨朕於

兩郊大祀先御齋宮以齊一思慮聞

之記曰齋者耳不聽樂孔子曰三日齋一日用之猶恐不敬二日代鼓何居言不敢散其志也今齋宮宵漏下
鳴畫角嚴鼓以爲節雖異於宮懸合奏而吹角鼓鑿軍中之容豈所以專致其精明者歟此蓋相沿前明敕典
未更後此嚴更鼓角不當用之齋次大學士其會同禮部定議以聞載入會典

又奉

諭旨稽古明禋肇祀

郊壇各以其色

地壇方色尙黃今

皇祇室乃用綠瓦蓋

仍前明舊制未及致詳朕思

南郊大享殿在勝國時合祀

天

地山川故其上覆以青陽

玉葉次黃次綠具有深意且

南郊用青而

地壇用綠於義無取其議更之至

兩郊壇宇

雖歲加塗墍而經閱久遠應敕所司省視所當修整者敬謹從事詳考典章具議以聞嗣大學士禮部奏言臣
等謹考禮經所載

兩郊義類甚著故祭分二至以順陰陽之時壇釐南北以從陰陽之位制別方圖以

則陰陽之象惟辨色亦然春官以玉作六品以禮天地四方蒼璧禮天黃琮禮地牲幣各從其器之色所謂依類求神者也制禮從類辨色從方原屬不易之道又況棟宇檐桷乃以藏神祇而昭妥侑其義尤謹明

代南北兩郊分祀而

皇祇室編次綠瓦

臣等詳檢一切禮書並無考據查綠乃青黃間色誠如

聖

諭於義無取坤卦天元地黃考工記天謂之元地謂之黃二者係乾坤正色今

北郊壇甃瓦及牲帛

幃幄色俱用黃乾隆十三年遵

旨議定鑊豆成式

地壇祭器亦用黃質製造契合古制應請易蓋

琉璃黃瓦庶與坤卦黃中之義相符

十六年九月改

祈穀壇大享殿爲

祈年殿門爲

祈年門

三十七年冬至前期奉

諭朕御極以來夙夜孜孜惟以敬

天報本爲念每屆

郊壇大祀必

躬親昭事用展誠悃三十七年於茲未敢稍懈向來詣

壇行禮日由降輦進至拜位以迄薦獻禮成中

間履蹈升降儀節最爲繁重朕惟虔恪以臨無有愆忽今自念春秋已逾六旬其於動容周旋差不能及前此

之從容中節幸朕躬康強如昔仍得祇循儀度經久不渝第思敬意所持貴乎內外交養若精力過勞恐心志轉未能純一與其拘於行走末節弗克致其實恭且或因此而憚於親詣何如酌損步陟繁文得專於升鑾告

備時肅將勛懋更足以嚴對越而抒誠素乎自古履帝位而臻壽考者載籍曾不多覩我朝景運遐昌化成熙

治上荷

昊蒼鴻眷

列祖貽庥自周甲已逾勵勤未怠真可謂國家祥瑞之大者茲特降此旨非

敢自惜其勞惟其要之於久從此更增年歲當永矢此昭格之誠我世子孫承庥衍慶即可奉此爲法守且知朕六十歲以前不憚經曲之繁六十歲以後冀申專一之敬初無二致也所有升級次數及降輦步行之遠近無關大體諸儀節如何酌定合宜之處著大學士會同該部詳悉定議以聞

又諭

壇

廟祭祀王公大臣宿齋陪祀各期恪致寅恭若其中有年齒漸增精力未免稍減

倘以格於查核之例因而勉強支持跛倚從事轉非嚴懲肅將之本意嗣後王公大臣有年逾六旬者凡遇祀典聽其自行酌量精神或致齋而不陪祀或並不能致齋一聽其便並無庸列入查奏彙核之內以昭體恤以重明禮

三十九年正月

諭朕臨御以來恆以敬

天報本爲要不敢稍有怠惰凡

壇

廟大祀

必親詣行禮自降輦以至禮成必敬必誠至三十七年朕年逾六旬始敕大學士及該部將降輦步行之遠近及升降之無關鉅典者酌減一二蓋欲稍減步履之小節蓄養精力於大典益致恪恭亦因朕年逾六旬始如此酌量節減所以益矢誠敬也萬世子孫其敬識朕意於諸大祀設非年至六旬一切典章斷不可稍減倘蒙上天垂佑年逾六旬方可遵朕現在所行舉行將此永著爲例

四十年四月奉

諭朕每遇

郊壇大祀必親詣行禮歷四十年如一日弗敢稍有懈弛一切儀文典

禮悉本誠敬之心仰期

昭格凡諸升降拜獻弗愆於儀實有可以自信者惟是行禮時諸皇子向不在

陪祀之列無由知朕恪恭將事之忱著於本年冬至

南郊令諸皇子在旁侍立敬謹觀瞻視事既歲並

令就

壇位前恭聞朕所進之爵皆安奉端正無稍偏倚俾共體朕所以展

精禋而答

鴻

貺者實在乎是其敬承無忽

四十四年十一月乙未

南郊定

配位前帛爵

命皇子代陳禮前期奉

諭朕自踐阼以來

恭遇

郊壇大祀一切儀文典禮悉本誠恪之心敬謹將事歷四十年如一日越歲庚子朕春秋已屆七

旬雖自信精力如舊但迎

神進爵儀典繁重若各

壇位前俱仍親詣轉恐過疲生憊於精意或

有未孚

正位上香獻爵朕必躬晉申虔至

列祖

列宗配位前上香朕仍親致其獻帛爵

諸禮著自今年

南郊爲始令諸皇子代陳

四十五年正月禮部具題壬寅年

祈穀日期改用正月十四日次辛奉

諭天子父

天母

地祇承之義不可稍弛從前雍正七年恭奉

皇考世宗憲皇帝諭旨以定例正月上辛若在初五

日以前則改於次辛但元旦朝賀乃朕躬之禮儀若因此而展祈穀之期於心實有未安著於上辛行禮煌煌

聖訓實屬萬世不刊之論朕御極以來遇正月初三日以前上辛因必須隔年齋戒是以改用次辛其

有初四日上辛亦改用次辛者則因

聖母皇太后祝釐初祉儀不容缺至明歲正月初四上辛並非向

年可比該部何得亦改次辛況冬至南郊禮成有於次日受賀者所謂禮緣義起如謂臣下意在尊君不敢輕